



partii naleraq

UPA 2016/113-01

12.04.2016

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut Inatsisaata allangortinneqarneranik Inatsisartut inatsisaat nr. Xx, xx, xxx 2016-imeersoq.

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut Inatsisaata allangortinneqarneranik Inatsisartut inatsisaattut siunnersuut Partii Naleqqamiit imannak oqaaseqarfigissuarput.

Aallaqqaasiullugu piumasaqaatingaarput, ilinniartitsinerit pikkorissaanerillu tunngaviatigut maani najungaqavissunut taamaallaat atuutsinneqarnissaat inatsisitigut piumasaqaatinngortinneqartariaqartoq, tassami pissusissamisuunngilaq, nunatta avataaniit pikkorissunik sulisussanik tikisitseriarluta, taakkununga aamma pikkorissaanernut aningaasartuuteqartarnerput.

Isumaqarpugut ilinniartitsinerit, pikkorissaanerillu maani najungaqavissunut, minnerpaamik ukiuni tallimani najungaqartunut atuutinneqarnerusariaqartut, tassami naluneqanngitsutut aningaasat ilinniartitsinerit pikkorissaanernullu atugassavut killeqartorujussuupput.

Aamma ilinniartitsinerit pikkorissaanerillu siunertarilluinnartariaqarpaat, avataaniit sulisussanik tikisitsisarnerup minnerpaaffissaaniitinneqalernissaa, tassami naalagaaffinngorniarluta sulingatta.

Ilinniartut ilinniarfissanik, praktikkerfissanillu amingaateqareerput, taamaattumik ilinniartitsinerit pikkorissaanerillu maani nunaqavissunut tamakkiinerusumik sammitinneqartariaqarput. Aamma sanaartornerup iluani suliakkiissutit tamakkiinerusumik maani nunaqavissunik ingerlanneqartalernissaat anguneqartariaqarpoq.

Inuussutissarsiutinik ilinniarfinnut inatsiseqartitsinikkut pitsanngorsaajuarnissaq, ilinniarfiilu tigusinnaasaasa tamakkiisumik atorluarneqarnissaat, minnerunngistumillu ilinniartut ilinniakkaminnik taamaatitsiinnartarnerannut pissutaasinnaasut tamaasa aningorniarlugit sulissuteqartuarnissaq assut pingaartipparput.

Taamaammat siuliani piumasaqaativut innersuussutigalugit kaammattuungaarput, ilinniarfiit aamma ilinniarnerup aallartinnerani eqaannerusunik malittarisassaqaarnikkut, ilinniartut ilinniarnerup nalaani praktik-kerfissaarullutik ilinniakkamik taamaatitsiinnartarnerat pinaveersimatinniarlugu qulakkeerinnittoqassasoq.

Taamaattumik ilinniartup suliffimmi sungiusarfissaqanngippat, ilinniartup ilinniarfimmi sulilluni sungiusarnissaanut ilinniarfiup qulakkeerinnissinnaanerata periarfissaalerna taperserparput.

Aamma ilinniartup ilinniakkap iluani pikkorissarnissamut atatillugu angalanernut unnuinernullu aningaasartuutitik matussusiissutaasussanik tapiiffigineqarsinnaalernissaat pissusissamisoorpoq.

Taama oqaaseqarlunga siunnersuutip aappassanneerreqannginnerani inatsisit atortinneqarnerannut ataatsimiititalimi suliarineqarnissaa inassutingaarput.